



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 45. Alberonii Cardinalis vindiciæ contra hæc accusationum capita.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII.

A. C. 1720.

§. XLV.

Alberonii Cardinalis vindiciæ contra hæc accusationum capita.

Interim Cardinalis Alberonius ex Cornuensi ditone ad castrum Grimaldi, quod Cæsareum erat feudum in Mediolanensi Ducatu ad Genuæ fines situm secesserat, ibidemque a Saraconio Abbate Roma misso citationis decretæ litteras recepit: Attonitus Cardinalis nil minus quam Romam venire, consultum, tutumque existimabat, ne tamen imputatorum criminum reus ex ipsa taciturnitate haberetur, apologiam conscripsit, eamque ad præfatos Cardinales hujus causæ Judices transmisit. Primum igitur accusationis articulum diluit, declarando, quod Popolienis Dux Regem ad Italicum bellum pro vindicanda Molinosii Hispani Oratoris captivitate concitaverit, ipse vero hinc consilio usque adeo sese opposuerit, ut propterea ipsius Regis indignationem in se accersisset: Ad secundum respondit, Regem has decimas, approbante quodam Theologo Hispano doctrina celeberrimo, in hoc bellum convertisse. Contra tertiam accusationem Alberonius suam innocentiam comprobare nitentur testimonio Patris D'Aubentonii

Jesu-

Jesuitæ Regii Confessarii & Abbatis Sæc. XVIII.
 Portocarero, quamvis ambo capitales A. C. 1720.
 ipsius hostes essent. Ad quartum re-
 posuit, Regem gratiose indulgisse, ut
 Tarraconensis Ecclesiæ reditus, appro-
 bante quodam Theologo ad sustinendos
 pene immensos sumptus, quos officio-
 rum amplitudo deposcebat, impendere
 posset. Quintum accusationis caput
 eludebat veteri consuetudine, vi cujus
 omnes Hispaniæ Præsules Castellæ Præ-
 fuli Apostolicas literas ab eodem exa-
 minandas tradere tenerentur, id igitur
 sibi utpote supremo Regis Administro
 juris quoque fuisse. His ita expositis
 Alberonius vehementer querebatur,
 quod scriptis & literis sibi in suo ex Hi-
 spaniis discessu ereptis, suam innocen-
 tiam agendique rationem authenticis
 monumentis validius comprobandi co-
 pia fuisset adempta: Hujus apologiæ
 exiguam omnino rationem habebant
 Cardinales dijudicandæ huic causæ
 præpositi, qui indefesso studio judiciû
 acta instruere pergebant: unde urgen-
 tibus Hispanis absdubio Alberonius Pur-
 pura spoliatus fuisset, nisi ingruens mo-
 rituri Clementis XI. nox huic Cardi-
 nali serenius cælum aperuisset.

Ejecto igitur ex Hispaniis Albero-
 nio, ac præcipue infausa belli forte
 territus Philippus V. Hispaniæ Rex
Hist. Eccles. Tom. LXX. Ss pa-

Sæc. XVIII. paci ad quadruplici foederis normam
 A. C. 1720. hoc anno accessit, unde Cæsar Sabaudus
 Sardiniam reliquit, Cæsar vero Siciliam recuperavit, ceteris controversiis nondum definitis ad Cameracensem conventum rejectis.

§. XLVI.

*Variae controversiæ Papam inter
 Cæsarem.*

Quamvis Sicilia, ejectis Hispanis, ad Cæsaris obsequium redierit, minus tamen Constitutio, qua Pontifex die vigesima Februarii Anno 1714. Tribunal *Monarchiæ Siculiæ* abrogatum non modo non recipiebatur, sed etiam Nicolaus Pignatellus Dux Montis Leonis novus Siciliæ Prorex Josephum de Fos deputabat, ut Judicis officio abilitæ hujus Monarchiæ fungeretur. Re comperta mox Pontifex Franciscum Pignatellum Sabinensem Episcopum Cardinalem Pro - Regis Fratrem datis literis incitavit, jussitque, ut serio ac diserte Fratrem suum moneret, fixum decretumque esse Pontifici, ut præfata Constitutio, necnon omnia ea, quæ de cognitione causarum ad forum Ecclesiasticum ibidem pertinentium facta cita fuere, inconcussa ac inviolabiliter ab omnibus observarentur: Nec his

Hist. Univ.
Period. VII.
Part. VIII.
 pag. 851.
Gottfr. Cont.
Hist Chron.
 l. 17. p. 767.